

地 2201.7
942
122

棠志拾遺

朱



天

題

登錄號 00582
函 2 册

丁夫春仲

棠志拾遺
卷上

吳大可書



崇志拾遺王序

民國二十一年春馬君容談張君願言暨地方人士籌辦六合私立勵志初級中學推董君鼎三為董事會會長屏為校長時江蘇省政府有省保衛團委員會之設立鼎三以建設廳廳長為當然委員屏亦被省府聘任濫竽充數故月必蒞省出席會議議畢輒與鼎三商談校事有以校中急需設備者為圖書室而應購書籍非籌款不可屏乃商之鼎三以廳令徵集蘇省各縣志書頒發勵志初中圖書室收藏以為基礎一年之中先後寄到縣志四十餘部張君卓人積學之士好古敏求老而彌篤授課之餘借歸披閱凡有關於六合事蹟者分類擇錄幾歷寒暑集成帙其中有采自正史及他省府縣志暨私家著述譜牒者皆先生平日搜討所得至山川古蹟金石等門先生與黃君伯東不憚徒步之勞登山涉水披荆捫棘尋求斷碣殘碑以考其事實蓋其時黃君伯東以編輯鄉土志為己任而又與先生同在初中任教故志同道合勞瘁不辭自黃君歿而先生之道孤矣今年秋先生出所著微序屏雖不文而義不容却謹述其緣起弁之於首俾鄉人士知吾邑文獻散見於他書者正復

崇志拾遺

一
六合新奎光承印

不少先生窮數年搜討之苦心條分縷析列為九門名其著曰崇志拾遺殆猶是述而不作之意焉其徵文考獻之功有裨於吾邑者豈有涯哉

民國二十四年秋九月上浣王乃屏展為謹序

封序

選勝於泰山不能免培塿之未陟探珠於滄海不能無寸蚌之見遺是豈選勝探珠之術欠工歟緣泰山之高大滄海之淵深恐非窮搜博採不足以成事夫編纂一邑之志乘其徵求難免遺漏者正復類此吾邑當南北衝要屢經劫火城市為墟鄉人士流離異地或商或仕其功名事業足資紀載者不乏其人他若河派變遷以及古蹟名勝金石文字經兵燹之銷燬致杞宋之無徵則後之編纂縣志者謂必無培塿寸蚌之遺揆之事實勢有難能邦人君子恒多引以為憾此張君卓人於六合縣志續修後歷十餘年而有棠志拾遺之作也張君敏而好學不耻下問工詩文刊稿積尺許有亦園詩初續鈔行世自以為技屬雕蟲無闕治體復潛心於史地致力於粉榆適讀蘇省及他省各縣志百餘種焚膏繼晷摘要鈎元凡與吾邑有關係者靡不手錄于編既而登山臨水尋流溯源訪耆舊之口傳援典籍以印証冒寒暑餐風霜跋涉長途不辭勞瘁者又數年搜羅既富攷覈尤嚴別類分門例宗遺史擷精去粕獨運宋斤筆則筆削則削積時既久衷然成章稿脫後命恩校而序之思何人斯敢

棠志拾遺

二

六合新志光承印

參求議致藝簡端然羨張君有志竟成使吾邑志書缺而不載載而不詳之事蹟因斯編相得益彰行見靈巖霧豹頓顯斑文滌水潛驪亦呈異彩非特壯山河之色增梓里之光且今後之稽古者有所參考藉收他山之助欽仰之餘遂不覺蕪詞之妄擬也

民國二十四年十月既望後學漢波封沛恩薰沐拜識

自序

予慨邑志紀載之疏漏私家著述之散亡欲拾遺訂墜者久矣故吾邑宋明舊志年湮代遠搜索無從即清雍正乾隆兩志亦僅存孤本普通所常見者不過光緒民國兩志而已雍正志最稱詳贍乾隆志刪削不少乾隆志如地理藝文兩門及每門後附以編者精確之論斷光緒志復加以刪削民國志於建置古蹟等既缺而不書而所增金石一門凡邑中舊存石刻搜集僅及半數且山脉河流紀載亦多疏略此固無庸為前賢諱者明康對山武功志韓五泉朝邑志簡括精要自古稱為善本然後世學者猶謂其近古而太畧蓋省志郡志宜簡而縣志宜詳而備其體例然也自民國己未邑續志印行後距今幾二十年鄉邦耆宿日就凋零凡所遺漏未載之事蹟設再任其湮沒竊恐有文獻無徵等於杞宋之懼予老矣無能為也既不能讀萬卷書又不能行萬里路荒園伏處局促似轅下駒久已厭聞世事惟於鄉邦掌故略識端倪同人多慇懃成書冀傳久遠夫吾邑一彈丸地耳非有高山大川之阻目之所見耳之所聞足之所經所得較為容易不能為者遂毅然為之由是而調查而參攷而編輯草五六年之心力兼得王君展為黃君伯東劉君戒三等先後贊助始底於成顏之曰崇志拾遺夫不曰補而曰拾蓋私人著述與邑志體例不同可拾者拾之不可拾者聊付諸夏五郭公之例不敢為穿鑿附會之談故茲書紀載於地理古蹟物產金石四門則於荒烟蔓草之區山巔水涯之處親自考察溯委窮源於人物科貢官師兵事藝文五門則采他邑志書私家著述以補缺略以訂舛訛他日者太史輶軒之問俗鄉土史地之取材或可備窮荒之獻耳至因形格勢禁采訪未周之事實擬拾成編姑俟異日爰揭明此書之體要及編輯之緣起以就正於邦人君子

民國二十六年夏五月蒯隱氏張官倬卓人自序於亦園之評綠軒

崇志拾遺

三

六合新奎光永印

再序

予輯棠志拾遺一書今已十餘年矣回憶八年以前此書曾有殺青之議遷延復遷延而大亂以作當時以此為恨鬱鬱於胸者久矣及今思之不但以為不可恨且轉以為可幸焉何也予自丁丑仲冬避居倪黃以迄於今飽經憂患不廢搜求前編稿本誤者正之缺者補之八年之間所得又復不少設當時貿然從事有不貽覆轍之譏災梨之悔者哉昔顧亭林著日知錄積三十餘年乃成並云後人著書其視成書太易而急於求名故愈多而愈舛漏愈速而愈不傳總默深著聖武記付梓後閱二年自覺舛疏重訂發刊時慨然曰學問之境無窮未審將來心目又復奚似以亭林默深之淹博一則請後人成書之太易一則自悔刊書之太早謏陋如予當時因經費難籌未將此書汲汲殺青者亦不幸中之幸也今之視昔亦猶後之視今倘再歷若干歲月不知所得又復何如古人之言豈欺我哉况自中日事變後耳聽山中之風鶴心感海上之滄桑家室飄搖罔知所屆世間已印之書埋沒於劫火中者何可勝數今日者神州恢復天日重光此書度閱數年年能保存無恙亦已幸矣若云殺

棠志拾遺

四

六合新奎光代印

青仍俟異日

民國三十五年春二月上浣菊隱自序於棠東寄廬

棠志拾遺例言

一是書都分九門首地理山脈河次古蹟次物產次人物次科貢次官師次

詩次金石餘暫從畧

一是書采據正史各縣志書私家著述及譜牒合纂而成故每條下皆註明采自某書其未註明各條或係實地調查或得自邑中父老所傳述較為確鑿可據者若齊東野語未敢攔入

一是書搜采叢殘歷十餘稔所載事實多為邑志所遺漏或畧而不詳或語句有出入者否則不復贅述

一雍乾舊志所載街市雖與今名多不相符然亦為邑中地理重要之一似不應削而不書今特將城鄉街巷詳加采訪標明方向其有舊名可稽者則錄入今名之下以存古制

一是書注重存古所載多係前言往事若近代一切事實歷時未久徵訪匪難編輯之責當俟諸後來修志之君子

棠志拾遺

五 六合新堂光代印

一吾邑志書萃邑中多數耆宿經長久時間始克竣事然猶有不滿人意之處况謗陋如余欲以一人之精力編成善本斷不敢言草率之譏自知難免閱者諒之

崇志拾遺卷上

邑人張官倬卓人編

地理一

山脈

六合山脈自安徽霍山一名天柱山東來在滁河北岸者分三大支一支由古城半

塔集東南行入邑境者曰廣佛寺山由廣佛寺山南行稍西曰韓山曰焦山又

南曰芝蔴嶺一名止馬嶺芝蔴嶺東曰老虎山又東曰駒子山一名柘子山九結志謂在東西龍山之間

芝蔴嶺南曰涼帽山又南曰東龍山東龍山南曰仙人山又東南曰祠山光緒志謂仙人山在東西龍山之間

謂由祠山而東曰東龍山均誤又東南伏十餘里突起於竹鎮河西岸曰獨

山一支由廣佛寺山東行曰快活嶺又東曰三山山有三峯為天又東曰廟山

西釜山均在長天轉南再入邑境曰烏石山又東南曰趙家崗又東南曰巴山

由巴山轉西南曰八盤山因八水盤繞故名一曰盤石山曰麝香山一名香山由八盤山東行

曰小礮盤山又東稍南曰黃家山楊家山又東曰練山分支西南出者由松樂

崇志拾遺

新登光石印館代印

崗堡蜈蚣窪南行為王家山倪黃山又歧出為大小岡子正南出者至練水壩

堡袁家崗又歧出為二一由沈家窪至梁家崗北滕狗山伏數里西南至黃查

橋堡突起為圻塘墩又西為楊家山岡年隆起有九一由練水壩堡蔣家山至

斬龍橋西斬龍墩下即紅土坂止由練山東行曰屏山由屏山東北行曰符融山各

芙蓉山俗稱白雲山因上有屏山分支東南出者曰葛家山曰小長山曰董家

山由屏山西南出者曰大山又西南曰侯王山侯王山西南曰煤山山東北部

灰黑色在威家崗西北由屏山西北出者曰驢子山驢子山西北曰共山共山東北曰黃

董山共山西南曰黃貓山由屏山而南曰長山由長山東南行平地突起曰西

瓜山又東南經亞山口東曰大山頭又南曰汪家山又南曰朱家山又南稍東

曰戴家山由長山西南行曰分山頂俗稱蜂子山又西南曰馬鞍山由馬鞍山東南

出曰紅廟山又南曰王家山又南曰烏龜山五里由馬鞍山西南出曰西王山

又南曰趙家山又南稍西曰胡家山由分山頂西行曰蘇家崗又西曰邵家山

又西曰曹家山另一支自秦家窪南行偏東曰唐營東山偏西曰唐營西山由

以修竹濃蔭蔽天清幽可愛寺東有天宮院

冶山為吾邑與天長界山相傳漢吳王濞鑄錢於此因名西南有祇洹寺寺東有通臂泉折西北約五六里有珍珠泉又名喜客泉詳古蹟再北里許有萬善寺

又折而東約四五里有屏牛望月石詳古蹟下有仙人洞洞之東有紅土山塵紅

土再東即大聖寺寺內有天井泉水極清冽并有古石欄即所謂章武井也詳

石寺前有銀杏二株東一株今尚存西一株燬於火寺背枕最高峯俗名老山

頭老山頭東凸凹作池形曰白龍池又名老龍窩每當天氣陰晦地與雲氣相

啣接氣合輒雨土人恒以是占陰晴卜休咎焉池東南一峯突起曰裏合山如

鋸齒鷄冠狀上有帥旗窩山之北窪廢中山寺舊址在馬山南曰尖山亦為最

高峯尖山下曰李林崗再東南即癩石山上多癩石故名山腰有文武廟頂有

仙人橋

金牛山距邑城東北四十五里西與癩石山隔河對峙狀如卧牛頭角鼻尾宛

然如生鼻有二孔泉自中出下注入龍池曰牛鼻泉通冶浦山巔舊有三秦母

崇志拾遺

三 六合新奎光代印

廟今改稱泰山行宮後進望江樓三間燬於火缺瓦殿馬烈女廟亦廢東有仙人洞及八哥籠子怪石矗立令人目眩

方山在邑東三十里為吾邑與儀徵界山與了橫二山鼎足而立上有鳳凰泉貓兒石等古蹟邑人至今猶豔稱之

瓜步山一名龜山在邑東南二十里狀如瓜臨江峭絕峯之斷處義冢累累相傳古桃園補山亭皆在此處由此拾級而上經韃子窪為大山頭復折而南經

太平菴菴下有舊問梅亭遺址復南曲折而下至祖師廟又南攀峯而上為南

山頭亦名磨盤山登山一覽靈巖西峙棲霞東來長江大河歷歷在目誠巨觀也

靈巖山在邑東南十里山頂有三茅宮西偏有蔡老人洞一名仙洞洞內棋枰絕

非真蹟山半有半山寺民國二十二年改設縣立植苗所今毀寺西有偃月巖

高可千丈蒼然鐵壁陡絕平地以其虧蔽日月故名磨盤石在巖畔山上植松

萬株事變後斫伐殆盡山腰產紅土下即瑪瑙澗俗稱沙澗產文石此外有萬山

亭龍鬪澗為邑志所未載其遺跡已不可考矣乾隆邑志及儀徵志

盤城山在邑西南四十里今改稱龍王山山頂有龍王廟山腰有模範農場
遍植林木惜今鮮有存者東山頭有龍洞

滁口山舊志云在縣南十八里臨滁河今詢之土人皆不知此山之所在惟
舊志建置志云宋淳熙十二年徙長蘆寺於滁口山東三里河曲沙岡之上是
滁口山當在牟尼山附近一帶所謂臨滁河者乃臨滁河支流之長蘆河非正
派也至城子山保得山楊家山行徑山旋渦嶺等不過隨地異名當係由黑龍
王廟至牟尼山中間縱橫之山脈以里數方向考之殆無疑義

丁家山在距盤城集約三里丁解村南疑卽九連山脈中之一山也

橫山在邑東北五十五里為吾邑與天長界山山西峯勢突出曰獅子頭山東
北有磨旗墩詳古蹟山南有天主宮寺東西兩壁有碑詳金據土人云寺內有天香

爐爐南屬六合爐北屬天長姑誌之以備一說

草廟山舊名二郎山在邑東北約六十里大部屬天長惟迤南松山東麓聞家
營一帶有六合飛地約百石種山巔有護國寺寺後改稱二郎廟今土人禪禱

志拾遺

四

六合新奎光代印

之曰草廟山菴山東麓有楊墓墓前有石人石馬石獅石羊華表等物狀極偉
大左右有龜亭各一座亭內有漢滿文字對照之石碑上刊清康熙帝祭文一
篇詳金石

地理二

河流

滁河源出安慶合肥縣梁鄉北之黃泥段民國邑志謂滁河源出黃山誤考梁鄉距今合肥城東北七十里黃山距里始匯黃山水故斷定滁河源出黃泥段非黃山也東南流二十里經梁鄉舊縣城內之龍潭水始暢流又東流四十里南匯臨湖陂水石塘橋水北匯護城水又東三十里南匯黃山水北匯呼雷山水經石梁鎮又東流為含山和縣與全椒界河又東經全椒縣城東石潭口襄河北自石向山來入之又東流為江浦來安界河至汊河集即三汊河一名後河下自滁縣西北清流關東南流至小河口匯來安河一名沙河又東來入之其交會處曰三汊河以上稱全河以家渡魏詹河自魏詹橋西來入之又北五里至小頭李馬昌河自葛塘集西來入之又北至王家窰吳沛水自西龍山經施官雷官二集東南來入之又東北至皂河口竹鎮河自三山經竹鎮集南來入之又東北十餘里至大王廟程駕橋河自練山經程駕橋

崇志拾遺

五 六合新登九代印

西南來入之又東一里至查家橋入汊河東南來入之又東南至湯家橋圻塘河自圻塘橋西南來入之又東南至金小河口黃查橋河自黃查橋南來入之又東南至烏橋黃塘水東北來入之又東南至埭石橋九里坪水東北來入之又東南至七里橋毛許墩迤西之水北來入之折東北至葫蘆套二甲草塘水南來入之又東至落星橋落星橋河南來入之又東至東大橋燒餅橋河南來入之又東經縣城南之龍津橋又東至龍王廟大王廟間冶浦河自治浦橋南來入之又折而南至果老灘前新黃河自土橋西南來入之按新黃河下段自縣通又南至金家板橋葉浮橋水東來入之又東南至施家橋施家橋水西南來入之又東南至橋張及黃家橋毛許墩迤東之水經頭板橋二板橋東來入之又東南至天策橋天策橋水西來入之又東南至蒲板橋廣遠河東來入之又東南至茅家橋茅家橋水西南來入之又東南至周家跳周家跳水西南來入之又東南至王家橋單家橋水西來入之又東至紅山窰長崗水南來入之又東至陳擺渡東溝河經匯濟橋西南來入之又東至大河口入江此為滁河

之正支其分支入江者有張家堡至浦子口之新河亦曰朱家山河岳子河口至宋家橋之岳子河長擺渡南岸之通江集河潘擺渡南岸之沙河亦曰赤岸山對岸之划子口河林擺渡南岸之小河此河自源至委除支流不計外共長四百餘里在邑境者亦幾達二百里洵巨川也未合祀全椒江浦來安各縣志

新河一名朱家山河亦名新挑河自滁河起經張家堡穿朱家山東南流經三板橋陳橋新

橋老新橋又南入浦口四泉河由九洲洲新口入江另一支折向柳洲之二漾

溝入江參用江浦碑來

魏詹河源出九連山北流經丁解村北盤城山東北麓之水西自老幼崗來會

又北而西經第一百步橋即今浦六路魏汽車橋又西經魏詹橋高家窪一帶之水來自

第二百步橋即今浦六路魏汽車橋來會又西北經雙成圩又西經落駕橋又西至港口入

滁河長約九里

馬昌河一名馬場河今稱中山河源出卸甲店東北之白土山北流經徐氏宗祠東又北繞

葛塘集街轉西經浦六路十號橋又西經杜家小圩又西經荒灘藏軍營郝家

崇志拾遺

塘之散水西南流來會又西經渡母橋以下稱夾河因夾於長二城兩圩之間故名胡寺橋詹家橋

又西至小頭李入滁河長約十七里

按此河槽身淤淺夏秋水漲時漫無歸宿沿河各鄉村屢有其魚之患民國

三十五年夏本邑善後救濟協會已具與修此河工程計劃書呈請救濟總

會以工代賑分段疏濬自小頭李至徐氏宗祠原有河道加深放闊自徐氏

宗祠至關門橋一段開鑿成河引水入江減輕下游水量以利農民一舉兩

得洵計之善者也惟開始進行聞須待丁亥初春云

吳沛水源出來安西龍山南流經施官集北新橋又南經世德橋一名西橋又南經

雷官集西黃家橋又東南經釣鯉橋俗名花橋又東南經聶家灣又東至王家窰

入滁河

竹鎮河有西北二源北源分二支一支出天野交界之三山南流經小梁井又

南經小河橋又南至唐圩北一支出韓山起烏龍港東流挾廣佛寺山水經均

樸橋東與快活嶺一名分界嶺北來之水會又東經破石橋又東轉南流至唐圩與

出三山之水會又南經張官壩烏石山西麓之水經五里橋西南流來會又南經觀音跳又南至竹鎮東大橋為東河西源出芝麻嶺東之陳家港自西北丁家衝來有冷泉西有龍泉東有凌泉別派有大小泉水數泉合而東南流經駒子山下又東南至竹鎮西大跳及西大橋與北源合為西河以下始稱又南稍東經烏龜橋一作五橋烏石山西南麓之水自磨子橋南流入馬又南合巴山練山之水經侯家橋後又匯盤山東來之水經頭板橋至二板圩劉家圩間入馬又南稍西合龍山仙人山祠山之水此水舊稱青龍泉東南流經朱家橋至廣昌圩小巖圩間入馬又南獨山之水自西入馬又南經甄家渡又南經三汊河有一小河經沙橋三汊河橋舊稱三橋自西入馬以下始稱皂河又南經周家渡楊家渡至皂河口入滁河此河約長二百里有奇

黃六橋河源出屏山西北麓即嶽西流經黃六橋又西經侯家橋練山北麓之水自西北流來會又西稍南經曹家跳小磨盤山及塔山之水自西流來會又西經八盤山北會八盤山水又西南經頭板橋烏石山水挾巴山水自西南流

崇志拾遺

七 六合新全光代印

來會烏石山東麓之水自西流經巴山北麓之水自東流經分叉西南流經水總再由頭板橋西南流至二板圩劉家圩間入竹鎮河

三汊河源出祠山南麓東南流經丁家橋又東南經方家橋又東南至三汊河橋舊稱三橋入皂河

程駕橋河舊作程家港源出練山南麓西南流經倪黃山北又西南經浴身橋又西南經小李營北小磨盤山水南流自湯家橋經湯家窰南來會又西南經張家窰北有一小水自美人店西首南流經新莊東來會又西南經程駕橋北又有一小水自方家橋東流來會又南經程駕橋又南至大王廟前入滁河

八汊河源出倪黃山南西南流經蔣莊大壩又西南經小壩後始見河形又西南經下俞王家橋又西南經查家橋北分八汊又南合流入滁河

圻塘橋河源出臊狗山梁家崗東北西南流經龍黃巷東又西南經圻塘橋又南至湯家橋入滁河

黃查橋河舊作黃湖港有二源一出屏山西北麓西南流一出練山東麓馬家窰東南

流至板橋即合天路四號橋西南相會又西南經潤李有一支河自龍潭口西流合天路經獅子橋又西經煤山東北小石橋來會又西南經將軍廟東又有一小河自練山南流經姚壩張壩來會又西南經斬龍橋紅土阪又西南經黎家成一大曲又有一支河自長山西麓西南流經郭家橋又西南經曹家窰西又西南經石婆婆橋來會又西南經楊渡橋一作楊都橋又西南經黃家橋又西南至金小河口入滁河

楊家橋河源出唐營西山西南流經樊家橋又西南經普濟庵旁小石橋又西南經楊家橋黃查橋東北橋入黃查橋河

黃塘水自黃塘東微北流經劉家橋又東至烏橋折北流入滁河

九里坪水自九里坪東北流經太平橋又東北經三叉子有南自祝槽坊又東南自江宋經張家壩交會之二水西流經碾子橋來會又東北經六滁路三號橋又東北經馮家橋又北經垛石橋又北至劉家壩入滁河

毛許墩西水自毛許墩北流至七里橋入滁河

棠志拾遺

八 六合新奎先代印

草塘水自草塘山南流經陳家大營又南至葫蘆套二甲入滁河

落星橋河源出童子山南流經大莊陳東小石橋又南經永陽橋草塘水自西來會又南經金劉橋草塘又一支水自西北來會又南經李回橋又南至落星橋入滁河

燒餅橋亦非燒餅兵橋河源出馬鞍山西麓南流經范家橋即合天路二號橋又南經趙家橋折西南經方家橋俗稱方家橋又折向東經燒餅橋分兩支一支西南流至東大橋入滁河一支東北流至城後復分兩支一南流至復新橋入滁河一繞城東北流經北門外大橋又東分兩支一南流經東門外大橋又南至迎秀橋入滁河一東流經合天路一號橋及楊家橋又東入冶河

冶浦河分中東北三源中源曰廟水有二源一出天長草廟山臨名山二南麓泉源塘一出草廟山西北洗馬塘二水匯於張山北又西南流橫山頭壩山之水自唐家橋南流來會又西入邑境折而南繞大窪子山經鄭家橋樊家集東又南折而西經尹家橋樊家集南又折而北西河自老兒橋白窰橋小安樂橋南流來會又

西經安樂橋繞珠山俗名牛鼻山至金牛山北之三汊汪與來自儀揚之東源合東

源曰天河又曰天水因中流車逆不竭故名出江都郭家岡西流經烏山北又

西經燕塘吳北有桃花山之水來會又西經千家樹北有五營山張山萬家山

之水南有峨眉以東烏山以西之水來會又西經活水壩入邑境又西經馬家

橋又折而北經昇仙橋金料又北至三汊汪與中源合後折而西經善和橋又

西至牛頭峯北與北源合北源曰冶水出天長分水嶺邑志云出由董家岡經

清水橋永興集波羅山之水自呂莊來會又南汊河自王家橋永興集西南流

經下林莊來會此段即禹又南里許經冶山東岡山西又南經西王橋祝家橋

又南與中源東源合此即邑志所謂冶河正源也按北源較狹而長中源較深而闊耳三源總匯

後又西流合牛頭峯下注之水折而南經墜馬橋冶山南麓之水經百牛徐匯

廟石山之水入焉又南折西流經岳陽集鐵牛墩間之後戴橋又西南流東有

峨眉山南有馬頭山之水至頭牌鎮附近入焉又西南治山西麓之水即珍珠

北自柳營大橋繞桂子山東經凌橋巷至八百橋東入焉又西南屏山東麓之

崇志拾遺

九 六合新全光代印

水即西自沈家橋入焉又西南屏山南麓之水即西自天井窪至長壩

橋分東南兩支入焉又南紅廟山之水即西自蘆門橋入焉又南折而東新

黃河挾峨眉木溪靈巖諸水西流至永定橋西入焉又南穿冶浦橋又西南至

龍王廟東入淞河

珍珠泉水自治山南流經前後新又南經柳營大橋祇洹寺東通臂泉水自赫

莊經泉水張來會繞桂子山東又南經凌橋又南至八百橋東北入冶河

石子澗河源出屏山分支東南流繞石子澗從仁和白塔岡等堡兩支會合後

又東流至沈家橋東入冶河

董家山河源出董家山東南流經烏龜橋黑泥橋又東南至趙家橋入冶河長

約五里

長壩河源出屏山分兩支東南流至山黃相會又東南至橋灣與自葛家山南

來之水相會又東南至太子壩與自天井窪東來之水相會又東南至長壩橋

西分兩支一東流經長壩橋又東至湯家壩入冶河一東南流經青竹橋又東

南馬家橋水面自朱家山馬鞍山支脈來會又東至邱家木橋東折而南入冶河
蘆門河源出紅廟山馬鞍山支脈南流經窰窪水又南折而東經朱家橋又東經葛
家橋又東至蘆門橋入冶河長約五里

新黃河源出蛾眉山蔡家窪西流經新黃巷南又西經墻頭圩木溪河自木溪
圩西北流經犁頭嘴謝家橋合雁塘河來會又西經新橋又西經土橋南靈巖
河西北流經雙橋及六揚路十四號橋又北至呂家木橋來會土橋以下始又
折而北經項橋任南蛾眉山東自馬廠湖經小葉圩夏家圩來會又折而西南
至永定橋西入冶河長約四十餘里此原有之河道也惟此河下段近已另開
新河自土橋葉莊起西沿原有溝道折而南經六揚路十三號橋又西南繞黃
泥山又西南經六划路一號橋又西南至果老灘前入滁河長約八里較之舊
由土橋入永定由永定入冶浦由冶浦入滁迂迴曲折便利多矣

蛾眉河源出蛾眉山老虎窪西流經官塘李李家橋張家橋又西經馬廠湖西
陽山水西南流來會又西經朱家橋又西至項家橋與永定河會又西南入冶

棠志拾遺

十 六合新奎光代印

河長約三十餘里

靈巖河源出靈巖山東北麓東北流由圩田李經道人橋西與來自橫樑店積
子孫岡田之水會折而西流經姑嫂橋宋家橋又西經吳家小橋西有一支流
南自小營蘆來會又西經陳家木橋西折而北又折而東復北經雙橋及六揚
路十四號橋又北至呂家木橋北入新黃河

葉浮水自小周營起東流經蔣家灣又東經葉浮橋分二支一支南流後復歧
為二一由南流折而東經留中圩小木橋又東轉北經留中圩北蘆家圩南一
東流經新土橋又東與留中小木橋南來之水會一支由葉浮橋西向北流經
仙人橋與由葉浮橋東轉而北流之水會再折東南與南流二支總會後又東
經金家板橋又東南至雙院門入滁河

施橋水源出靈巖山西麓沙子精西南流經元寶橋又西南經施家橋俗稱
東北金家橋水自東來會又西南入滁河

毛許墩東水自毛許墩東楊營起南流經朱龍橋與自朱營東來之水交會後